

«24» մայիսի 2022թ.

ք. Երևան

Հարկադիր կատարումն ապահովող ծառայության Երևան քաղաքի Կենտրոն, Նորք-Մարաշ և Էրեբունի-Նուբարաշեն վարչական շրջանների բաժնի հարկադիր կատարող, արդարադատության լեյտենանտ Ա.Գրիգորյանս ուսումնասիրելով թիվ 09049961 կատարողական վարույթի նյութերը՝

Պ Ա Ր Զ Ե Ց Ի

ՀՀ Երևան քաղաքի ընդհանուր իրավասության դատարանի կողմից «03» մայիսի 2022թ. տրված թիվ ԵԴ/36241/02/20 կատարողական թերթի համաձայն պատասխանող «Մեգապոլիս» ՍՊԸ-ից հոգուտ «Պրոմարմատուրա» ՍՊԸ-ի բռնագանձել 2909,42 ԱՄՆ դոլար գումարին համարժեք ՀՀ դրամ, որից 86, 52 ԱՄՆ դոլար՝ որպես փոխառության մայր գումարի մնացորդ, 107,73 ԱՄՆ դոլար՝ որպես փոխառության գումարի նկատմամբ հաշվարկված 2%, 8,65 ԱՄՆ դոլար՝ որպես փոխառության գումարի մնացորդի նկատմամբ հաշվարկված 10% տույժ և 2620 ԱՄՆ դոլար՝ որպես 26200 ԱՄՆ դոլարի փոխառության մայր գումարի նկատմամբ հաշվարկված 10% տուգանք, ինչպես նաև բռնագանձել 30391,80 ՀՀ դրամ՝ որպես հայցվորի կողմից նախապես վճարված պետական տուրքի գումար:

Ի կատարումն դատական ակտի Հարկադիր կատարումն ապահովող ծառայության Երևան քաղաքի Կենտրոն, Նորք-Մարաշ և Էրեբունի-Նուբարաշեն վարչական շրջանների բաժնում 06.05.2022թ. հարուցվել է թիվ 09049961 կատարողական վարույթը:

19.05.2022թ. Հարկադիր կատարումն ապահովող ծառայություն է մուտքագրվել պահանջատեր «Պրոմարմատուրա» ՍՊԸ-ի կողմից միջնորդություն՝ որով հայտնել է, որ «Հարավ-Կովկասյան Երկաթուղի» ՓԲԸ-ի և պարտապան «Մեգապոլիս» ՍՊԸ-ի միջև «30» հուլիսի 2021 թվականին կնքված AP-15/21/1 պայմանագրի առարկա հանդիսացող 55 միավոր երկաթուղային կիսավագոններ վաճառվել են պարտապան «Մեգապոլիս» ՍՊԸ-ին և ներկայումս տեղակայված են «Հարավ-Կովկասյան Երկաթուղի» ՓԲԸ-ի Երևան, Մասիս, Գյումրի և Ադին կայարաններում, խնդրել է արգելանք կիրառել պայմանագրով վաճառված գույքերի նկատմամբ: